

Universitätsbibliothek Paderborn

**Theses Historico-Theologicae Pertinentes Ad Anteriores
Theses De Gratia, Peccatis Ignorantiae, Probabilitate &
Charitate**

Huygens, Gommarus

Lovanii, [1683?]

Conclusio Sexta. Respondetur objectionibus Adversariorum contra Theses
nostras de peccatis Ignorantiæ.

urn:nbn:de:hbz:466:1-40464

nia quam exhibet Thesis ejus 8. Si hic Author, prout & alius qui pridie aliis disputationibus Theologicis præsedit, mentem advertere ad ea voluissent, quæ in Thesibus de Doctrina Augustini habentur sub finem Thesis 15. item ad ea quæ in appendice ad Theses subsequentes, vidissent non semel esse responsum ad illa quæ ipsi continuò nobis objiciunt de cessatione ab amore beatifico *sub conditione impossibil*. Verum placuit, pro ut ipsis in more positum est, surdā aure præterire, non pauca quibus solidius quām optarent, aut probamus nostra, aut improbamus adversa. Qui sophisticus procedendi modus adeò illis frequens est, ut nullus usitator. Quo pacto tria affequuntur: primò ut Lovaniensem principia videantur esse infundata. Secundò ut sua inconcussa. Tertiò ut objectiones adversus nostra insoluta & insolubiles: & præter hæc ut semper habere videantur quæ respondent, nec umquam primi cedere debeant. His omnibus singulariter studuisse videtur Author Thesum defensarum 13. Julii, qui oppugnaturus sententiam nostram de gratia & libertate, nullam, quod sciam, facit mentionem Thesum nostrarum, quarum tamen quatuor ex professo edidimus in defensionem istius nostræ sententiae. Hic præterea dum difficultatem declinare non potest, latebras ac involucra quærunt, & responsi loco, exclamationibus ac phrasibus Rethoricis non semel in dictis Thesibus jubet nos esse contentos, atque in hunc modum per verba & per voces nullâ allegatâ solidâ probatione, non solum de errore, sed etiam de hæresi nos conatur reddere suspectos. Unum equidem ab hoc Auctore petitum velim, nimirū ut assignet sententiam faltem unam damnatam vel damnabilem quæ sequatur ex sententia nostra de gratia per se efficaci, & non sequatur ex sententia Thomistarum.

C O N C L U S I O S E X T A.

Respondetur objectionibus Adversariorum contra Theses nostras de peccatis Ignorantiae.

ADVERSUS EA QUÆ ANTEHAC IN THESIBUS & DICTATIS TRADIDERAM DE IGNORANTIA, ADVERSARIIS EDIDERUNT LIBELLUM SUB NOMINE FACTO ULICI JONSON, QUI §. 3. SIC HABET: *Nemo tam est novitius in Theologia, qui nesciat etiamnum hodie controverti inter Scholasticos, an ad peccandum formaliter sufficiat libertas facti, quod docent pauci, an vero insuper requiratur libertas peccati, ac proinde notitia malitia, quod contendunt Theologi, si paucos excipias, passim omnes.* Huic libello coacti sumus respondere per Theses nostras de Peccatis Ignorantiae, in quibus contra Ulicum Jonson dicentem: *Ad peccandum formaliter requiritur notitia malitia, sic ratione sumus: si requiratur notitia malitia, non peccatur si desit notitia malitia: non peccatur ergo quotiescumque peccati malitia ignoratur: nam notitia malitia: abesse, & malitiam ignorari idem valent.* Ex his jam consecutari, secundum Ulicum Jonson non dari peccata Ignorantiae. Hæc in nostris Thesibus, in quibus postquam ostendimus hæresim esse negare quod dentur peccata ignorantiae, tres potissimum assertiones probavimus: quarum prima, revera dari peccata Ignorantiae. Secunda, eti ignorantia facti aut juris positivi à peccato quandoque excusat, nunquam tamen ignorantiam juris naturæ in totum excusare quod liberè fit contra illud. Tertia assertio hæc est: eti docentes aliquid quod juri naturæ revera est contrarium sèpissimè à peccato non excusentur, excusari tamen aliquando. Tribus his assertiōib⁹ rursus opposuerunt se Adversarii, potissimum in Thesibus die 19. Julii hoc anno defensis, in quibus Conclusione 2. §. 3. quod primam attrinet, iterum assertur idem quod in Ulico Jonson: nimirū *ad peccandum formaliter requiri notitiam malitia.* Iterum ergo adversus has Theses ostendo inde sequi quod non dentur peccata Ignorantiae, quia sequitur inde non dari peccata sine notitia malitiae, atqui peccata sine notitia malitiae & peccata Ignorantiae non aliter differunt quām Mulier & Foemina (quid enim aliud est, peccare sine notitia malitiae, quām peccare ex ignorantia ma-



malitiae, & quid aliud peccare ex ignorantia malitiae, quam peccare sine notitia malitiae? Ergo ex doctrina Ulici Jonson, sive ex doctrina istarum Theorum prorsus eadem cum Ulici Jonson, ineluctabil consequentiā sequitur, non dari peccata ignorantiae, quod in Celestio & Abaelardo de hæresi damnatum est. Adversus secundam Theorum nostrarum assertionem superius explicatam dicitur in Thesibus antecitatis Conclusione 2. §. 6. 8. & 9. nullam esse disparitatem inter facti vel juris positivi ignorantiam, & ignorantiam juris naturae, ratione cuius in hoc, potius quam in illis ipsum intellectus objectum sit injustum, malum ac inordinatum. Disparitatem ergo iterum ostendo: ex. gr. si hominem occidas, involuntariè putans esse feram, objectum intellectus, adde & voluntatis, est res quam cogitas & vis facere, cogitas autem & vis occidere feram, hoc autem objectum, scilicet occidere feram, non est injustum, malum ac inordinatum: secus si hominem occidas sciens esse hominem, sed putans, fingamus involuntariè, id esse licitum, quia alapam impingit ac fugit; nam res quam cogitas & vis facere, est occidere hominem, privatâ scilicet authoritate ob alapam impactam, hoc autem objectum, scilicet privatâ autoritate occidere hominem ob alapam impactam, est injustum, malum ac inordinatum. Similiter si carnem comedas die Veneris, involuntariè ignorans esse diem Veneris, ipsum intellectus & voluntatis objectum est comeatō carnis illimitata, sive non restricta ad diem prohibitum; hoc autem objectum iterum non est injustum, malum ac inordinatum. Secus si scienter te vel alium inebries, putans, fingamus rursus involuntariè, id esse licitum ut amico satisfacias; nam res quam cogitas & vis facere, est te vel alium inebriare ut amico satisfacias; hoc autem objectum, scilicet te vel alium inebriare ut amico satisfacias, est injustum, malum ac inordinatum. Si quis disparitatem mecum videt, nescio quid de illo cogitare debeam. Dum hic loquimur de ignorantia juris naturae circa occisionem hominis ob alapam impactam, item inebriationem ad satisfaciendum amico, supposimus, vel potius finximus in iis qui talia agunt, ignorantiam esse involuntariam (sufficiebat enim in intento nostro adversus Theses citatas quod in illa suppositione subsisteret disparitas a nobis asserta) quia non admittimus contraria jus naturae unquam agi ex ignorantia involuntaria, multò minus agi ex prorsus invincibili, diximus enim in Thesibus nostris de peccatis ignorantiae Thesi 14. istam ignorantiam, dum ex ea agitur contra jus naturae, esse voluntariam voluntate personali, dicique vincibilem per gratiam, ita ut defectus gratiae, si quis sit, sit voluntarius: & addebamini: ideo enim agens contra jus naturae, mentiendo, ex. gr. ex ignorantia, non habet lumen gratiae, quo ab ista actione hic & nunc cohibetur, quia vult hujusmodi objecto essentialiter inordinato adhaerere. Declaravimus hoc simili, non possumus quemadmodum oportet diligere Deum sine divina gratia, non potest etiam excus videare sine supernaturali curatione; dicimus tamen Deum posse amare, quamvis desit hic & nunc gratia amandi, quia ille defectus est voluntarius, utsi potè proveniens ex voluntaria adhesione ad creaturas propter se dilectas: non dicitur tamen causus posse videre, quia defectus curationis supernaturalis non est eum in modum voluntarius. Has objectionum suarum solutiones more suo præterierunt Adversarii, ut in Thesibus 12. Juli Thesi 8. & in aliis 13. defensis Thesi 1. possent cum aliquo colore refutare antiquam suam objectionem quasi non solutam, hanc scilicet: si illa ignorantia ideò dicatur vincibilis, quia saltem per Dei gratiam est vincibilis, nulla facti, nulla juris positivi datur invincibilis. Ad hujus objectionis inutili resumptionem respondemus iterum, sicuti in Thesibus de Peccatis Ignorantiae quadrimestri ante hanc objectionis reiterationem respondi, nimis dici vincibilem per gratiam; ita ut defectus gratiae propter adhesionem ad objectum intrinsecè malum sit voluntarius, secus fieri in iis quæ dicuntur invincibiliter ignorari in factis quibusdam, aut iis quæ committuntur contraria jus positivum, quod & exemplis ibidem declaravi. Quidquid sit contraria jus naturae, sit con-

tra



trà Legem æternam ac Deum ipsum , ergo est veri nominis peccatum. Nego consequentiam , inquit Author Thesum defensarum die 19. Julii & addit : consequentia similis est huic : ergo stultus & amens commitit veri nominis peccatum. Cui respondemus , nos in antecedente istius argumenti supponere liberum arbitrium & humanum modum agendi , ut patet ex verbis quæ Conclusione 11. ubi istud argumentum habetur , adjunguntur , his scilicet dummodo liberè fiat & humano modo: jam vero stultus & amens non agit libero & humano modo , cum habeat physicum impedimentum ratione cuius sic agere non possit , id est , agere non possit ex ductu rationis semet-ipsum.determinando ad agendum quia vult , prout habet quisquis , et si cum ignorantia juris naturæ ex advertentia quod ex. gr. loquatur contrà mentem , semet ipsum determinat ad mentiendum : nec refert quod non advertat se mentiendo peccare,advertit equidem se mentiri: hæc vero advertentia ob physicam impotentiam non potest habere locum in eo qui perfectè amens aut stultus est , & hæc sola causa est cur hic nec agat libero aut humano modo , nec peccet ; non vero illa , quod stultus & amens , prout prætendit citatus Thesum Author , ignoret se agere contrà legem naturæ. Iterum ergo dicimus , ut peccetur ex ignorantia juris naturæ sufficere , si fiat illud quod essentialiter involvit contrarietatem ad Legem æternam , dummodo fiat liberè & humano modo , quali non sit quod à perfectè stulto aut amente sit. Contrà tertiam nostram superius expressam assertionem allegatur in Thesibus suprà citatis die 12. Julii & aliis 19. Julii defensis , quod non debeat hic melior esse docentis , quam aliorum conditio , quia tam de docente , quam de agente , inquiunt , loquitur Christus Dominus dum ait : *Cæcus si caco ducatum præstet , ambo in foveam cadunt.* Id est , tam iste qui dicit , quam qui ducitur. Huic objectioni respondemus , et si qui agit contrà jus naturæ semper habeat affectum erga objectum legi naturali contrarium , non tamen semper ille qui habet opinionem aut persuasionem falsam circà tale objectum. Et hinc patet quomodo Viri Sancti potuerint in animo habere ; aut quandoque verbo exprimere opinionem vel persuasionem falsam circà objectum juri naturæ contrarium , & tamen non habere affectum erga istud objectum : etenim potest quis opinari hoc illudve Episcopis , Regibus , Meritoribus , Conjugatis , aut in certa perplexitate ratione cuiusdam criminis existentibus esse licitum , nec tamen ullum habere affectum voluntatis objecti illius prosecutivum , sed econtrà habere aversiuin , ita ut ob periculum quod videt , non solum in executione , sed etiam in affectu prosecutivo talis objecti , nec velit execuiri quod in illis omnibus opinatur licitum , nec cupiat voluntatis amplexu tale objectum approbare , ita quidem ut ob periculum executionis & approbationis per voluntatem , nunquam vellet in ejusmodi statum vel perplexitatem intrare. Ex quibus patet , quod ejusmodi opinio saltem non inferrat affectum approbativum objecti quod juri naturæ est contrarium , prout infert executio illius. Hinc ulterius facilè est videre evenire potuisse in Viris Sanctissimis & doctissimis , ut ejusmodi opinionem aliquam ac persuasionem haberent sine peccato , imo ut eam exprimerent , ac aliis sine peccato significanter , dum nimis sapientia & naturalia adhibuissent , qua requiruntur ut falsitatem illam non solum opinionis , sed , ad quod longè plus exigitur , etiam expressionis , non censerentur interpretativè velle. Notandum præterea discrimen inter varias ejusmodi opinions aut doctrinas falsas,v.g. si una affirmet velut licitum quod reverè juri naturæ est contrarium.altera neget esse licitum quod reverè est licitum:nam qui priorem sequitur,ponit actionem juri naturæ contrariam,qui vero posteriorem sequitur,solummodo omittit actionem jure naturæ licitam,ut si ex.gr. post mortem primæ uxoris omittat ducere aliam putando id esse illicitum , nam in illa omissione nihil est mali. Quare et si daremus quod peccaret , quisquis docet velut licitum , quod juri naturæ est contrarium , non sequeretur quod peccaret , quisquis docet esse illicitum quod juri naturæ est permisum. Idem est si unus doceat posse omitti quod juri naturæ

præ-



præceptum est, alter doceat debere ponit istud ad quod jus naturæ non obligat. Malè ergo inter se æquiparantur docentes contraria circà jus naturæ, quasi in doctrinis ejusmodi contradictoris semper esset æquale periculum. Malè quoque in Thesibus 19. Julii defensis infertur quod ejusmodi docentes debebunt ambo peccare, sed ad summum inferendum erat quod alter. Imo nequidem hoc inferri poterat, ut patet in casu quo actio quæ affirmatur esse licita reverè est licita, sed tamen, ut sexcenties fit, etiam licita est omisso: tunc enim doctrina cum veritate affirmans illam actionem esse licitam, erit licita sicuti ipsa actio; & falsò negans esse licitam poterit esse licita, sicuti & ipsa omisso est licita; et si daretur quod doctrina correspondens objecto legi naturæ prohibito deberet secundum sententiam nostram esse peccatum, quod prætendunt Adversarii. Dico, quod prætendunt Adversarii, quia ante in Thesibus nostris de Peccatis Ignorantiae, & jam iterum ostendimus quod docens aliquid juri naturæ contrarium possit aliquo casu non peccare, et si semper peccet ille qui agit contrà jus naturæ. Ubi nunc toties repetitum illud, inquit quidam Adversiorum: *Cæcus si cæco ducatum praestet, ambo in foveam cadunt?* Et aliis: quidni etiam valeat hic solemnè istud, idque à fortiori: *cæci sunt & duces eacorum?* Cur ergo unus tantum & non ambo in foveam cadunt? Ita illi. Respondeatur sensum litteralem sententiae illius esse hunc: quemadmodum fieri vix potest, ut si cæcus cæco ducatum præstet, non incident ambo in foveam; ita vix potest contingere ut si oculis spiritualibus captus, spiritualiter cæco ducatum præstet, non cadant ambo in foveam peccatorum: quare non ex ipso adagio inferimus Conclusionem nostram, sed ex adagii applicatione ad casum notorium de Corban: ex qua quidem applicatione habetur quod nec Pharisæi sententiam illam de Corban tradentes, nec discipuli eorum sententiam ad proxim deducentes fuerint à peccato immunes: ex quibus ultius conficitur, si non fuerint excusati illi sequaces, non excusari etiam qui hodie sequuntur sententiam et si probabile, juri naturæ contrariam: erant namque in sequibus illis, si unquam in aliis ultiis, rationes & plures & magna ob quas videretur excusari, ut patet ex Conclus. 4. Thesum nostrarum de Opinionie Probabili, adeoque si illi non fuerint excusati, morali modo loquendo, non excusabuntur ulli alii ad proxim deducentes sententiam juri naturæ contrariam, et si etiam probabile: Secùs de Pharisæis docentibus, et si enim hi non fuerint excusati, non illicet sequitur non excusandos ullos alios contrà jus naturæ docentes, Pharisæi enim coram Deo tales erant ratione avaritiae, ambitionis, aliorumque multorum ac gravium peccatorum, ut nullâ prorsus ratione eos excusare possumus; adeoque cum illi essent inter docentes pessimi, nullatenus ex eorum reatu sequitur reatus omnium aliorum quiddam contra jus naturæ docentium. Paucis repeto vim solutionis: bene sequitur, non excusantur agentes contrà jus naturæ, qui inter ejusmodi agentes maximè videntur excusabiles, ergo non excusantur ulli; non sequitur autem: non excusantur contrà jus naturæ docentes qui inter ejusmodi docentes sunt maximè accusabiles, ut erant Pharisæi, ergo non excusantur ulli alii, etiam qui minimè sunt accusabiles. Hæc sine præjudicio illorum per quæ in Thesibus nostris de Peccatis Ignorantiae Conclusione 13. patet etiam contrà jus naturæ docendo & sèpsum & admodum graviter peccari.

CONCLUSIO SEPTIMA.

Respondeatur objectionibus Adversiorum contrà Theses nostras de Opinionie Probabili.

F Undamentum Thesum nostrarum de Opinionie Probabili, quatenus ratione nituntur posuimus Thesi 1. quod omne probabile sit dubium, siquidem omne probabile est tale ut nec de veritate, nec de falsitate ejus certò constet; adeoque omne probabile est incertum; si sit incertum, est dubium; dubium enim prorsus idem est quod incertum, ita

